

ԿԱՐԵՆ ՓՈՂՆԵԻԱՆՅԱՆ

**ՆԱՅ ՄՊԱՅՈՒԹՅԱՆ ՄԱՄՆԱԿՑՈՒԹՅՈՒՆԸ ԱՌԱՋԻՆ ԱՇԽԱՐՀԱՄԱՐՏԻ
ԳԱԼԻՑՅԱՆ ՌԱԶՄԱԿԱՆ ԳՈՐԾՈՂՈՒԹՅՈՒՆՆԵՐԻՆ**

Առաջին աշխարհամարտի սկզբնական ռազմական գործողությունները ծավալվեցին Եւրոպայի արևմուտքում, որտեղ Ռուսաստանի դաշնակից Ֆրանսիան պայքերագմի հենց առաջին օրերից հայտնվել էր ծանր իրավիճակում: Ֆրանսիայից սրացված ամենօրյա հաղորդագրությունները հորդորում էին Ռուսաստանին որպեսզի վերջինս Եւրոպայի արևելյան հարվածում սկսի ռազմական գործողություններ:

1914թ. օգոստոսի 1 (14)-ին Գլխավոր շտաբի պետ Ն. Ն. Յանուշևիչը հեռագրեց Նախարարության ճակարի հրամանատար Ն. Ի. Բվանովին այն մասին, որ Ֆրանսիան խնդրել է «օգնել իրեն հարձակմամբ ոչ միայն Նյուսիսարևմտյան ճակարի բանակներով, այլև Նախարարությանով»¹: Ֆրանսիայի ծանր իրավիճակում գտնվելու մասին էին վկայում նաև Փարիզում Ռուսաստանի ռազմական կցորդ Ա.Ա. Իզնավրեւի այդ օրերի գեկույցները, որոնցից մեկով նա հաղորդում էր. «... գերմանական բանակի ձախ թևը առանց խոչընդոտների շարժվում է դեպի Փարիզ: Իմ կարծիքով գերմանացիների մուտքը Փարիզ արդեն օրերի հարց է»²:

Նկարագայում կիշարակվի, որ այս օրերին Ֆրանսիական զինուժի կորուստներն այնքան շար էին, որ միայն Ֆրանսիական սպայական կորպուսի 10 րոկոսը դադարեց գոյություն ունենալ³:

Դաշնակցային պարավորությունները կարարելու նպատակով Ռուսաստանը Եւրոպայի արևելյան հարվածում բացեց միանգամից երկու ճակար, որոնք միասին հայտնի են Արևելյան կամ Ռուսական ռազմաճակար անվանումով:

Ռուսական ռազմաճակարի հյուսիսարևմտյան հարվածում ռազմական գործողությունների սկիզբը ազդարարվեց օգոստոսի 4 (17)-ին Արևելապրոսական ռազմական գործողությամբ, իսկ հարավարևմտյան հարվածում ռազմական գործողությունների սկիզբը ազդարարվեց օգոստոսի 5 (18)-ին Գալիցյան ռազմական գործողություններով: Վերջինիս գլխավոր իրադարձություններն էին Լյուբլին-Խոլմյան, Գալիչ-Լվովյան գործողությունները, ինչպես նաև Նախարարության ճակարի հակահարձակումը և ընդհանուր հարձակումը: Այս գործողությունների ամբողջ ժամանակահատվածում իրենց օրինակելի և անձնվեր ծառայություններով աչքի ընկան բազմաթիվ հայազգի զինվորականներ⁴:

1 РГВИА, ф. 2067, г. 1, к. 147, л. 3:

2 А. А. Игнатьев, 50 лет в строю, Петрозаводск, 1964, с.44.

3 Стэн Дж. Террейя, Великая война. Первая мировая – предпосылки и развитие, Москва, 2004, л. 38:

4 Առաջին համաշխարհային պայքերագմում հայազգի զինվորների մարտական առօրյա լուսաբանման համար կարևոր աղբյուրագիրական հիմք են հայազգի մի շարք հոգեւորականների առանձին հրապարակումներ, որոնք փապագրվել են պայքերագմի փարիներին: Պայքերագմի սկսվելուն պես բանակային շտաբներում սրեղծվել էին հարուկ պաշտոններ հոգեւորականների համար, որոնք լինում էին եւ՝ դիրքերում, եւ՝ հիվանդանոցներում, եւ՝ շտաբում ("Вопросы Истории", N10, октябрь, 1990г., с.162, А. С. Сенин, Армейское духовенство

Ռուսաստանը Նախապետության ճակատում Ավստրոհունգարիայի դեմ կենտրոնացրեց ռուսական 3-րդ, 4-րդ, 5-րդ և 8-րդ բանակները, որոնց դիմաց Սանդոմիրից մինչև Չերնովից (390-400 կմ ձգվածությամբ) Ավստրոհունգարիան կենտրոնացրեց իր 1-ին, 2-րդ, 3-րդ, 4-րդ բանակները և Վորշի կորպուսը:

1914թ. օգոստոսի 7 (20)-ին ավստրոհունգարական 1-ին բանակը Սան գետի հովտից շարժվեց դեպի հյուսիսարևելք: Այս բանակի խնդիրն էր Տանեյան անտառային շրջանում փրկակայանը, որը շատ նպաստավոր դիրք էր ծառայելու հետագա գործողությունների համար: Ռուսական հրամանատարությունը, իր հերթին օգոստոսի 10 (23)-ին Լյուբլինից հարավարևմտյան ուղղությամբ ուղարկեց ռուսական 4-րդ բանակը, որը պետք է ջախջախեր հակառակորդին և շարժվեր դեպի Պերեմիշլ: Կողմերի փոխադարձ առաջխաղացումը հանգեցրեց թեժ, դիմադար ճակատամարտի, որը ծավալվեց օգոստոսի 10 (23)-ից 11 (24)-ը Կրասնիկի շրջանում: Այսպես ծավալված մարտերում աչքի ընկավ ռուսական 4-րդ բանակի 14-րդ բանակային կորպուսը⁵, որի հրեղանային փետուշն էր գեներալ-լեյտենանտ Արսենի Սոդոմոնի Վարպանովը⁶: Բացի նրանից, որ հայազգի գեներալը կորպուսի հրեղանու նյութարկինիկական պարշաճ մակարդակի համալրվածության, մարտունակության, ինչպես նաև անձնակազմի բարձր հրեղանային գիտելիքների ուսուցման պարասխանատուն էր, միևնույն ժամանակ իր փրամադրության փակ ուներ որոշակի քանակությամբ զորք⁷, որի գլուխ կանգնած մի շարք մարտերում հաղթանակներ տոնեց: Կրասնիկի համար մղված մարտերում նա իրեն դրսևորեց որպես համարձակ, նախաձեռնող, արագ կողմնորոշվող, ճշգրիտ հաշվարկներ իրականացնող և մեծ կամքի տեր զորավար:

Կրասնիկի շրջանում երկօրյա փոփոխական հաջողություններով ուղեկցված ծանր մարտերից հետո ռուսական ուժերը հեռացան և օգոստոսի 12 (25)-ին խմբավորվեցին Լյուբլինից 20-45 կմ դեպի հարավ և հարավարևմուտք: Այնուամենայնիվ, Կրասնիկի շրջանի մարտական գործողությունները ստիպեցին լրացուցիչ ճշգրտումներ կատարել հրամանատարության որոշումների մեջ:

Նոր ծրագրերի պարշաճ իրականացման համար ռուսական Գլխավոր հրամանատարությունը մի շարք միջոցներ ձեռնարկեց Նախապետության ճակատի աջ թևի ամրացման համար: Այսպես ուղարկվեցին Վարշավյան խմբավորման 18-րդ բանակային, Գվարդիա-

России в первую мировую войну): Նայ հոգևորականները, գրուցելով հայ զինվորականության հետ, այցելելով հոսպիտալներում բուժվող վիրավոր հայ զինվորներին, հավաքում էին մի շարք արժեքավոր փվյալներ և գեներալում էին հայալեզու մամուլում: Խոսքը հարկապես վերաբերում է 1914-1918թթ. Թիֆլիսում փպագրվող «Մշակ» թերթին, որը Կյուրեղ ս. Աբգարյանի, Արսեն ք. Սիմոնյանի, Խորեն ք. Մուսակյանյանի շնորհիվ ի ցույց էր դնում հայազգի զորայինների կարարած քաջագործություններն ու սխրանքները, Գեորգիևյան շքանշանի հայազգի ասպետներից ոմանց անցած մարտական ուղին, վիրավորների և զոհերի անունները:

5 Պարերսզմի նախորդին այդ կորպուսը համարվում էր ամենամոժեղներից մեկը և այն իր կազմում ուներ 1 հերթականային դիվիզիա, 2 հրաձգային բրիգադ, 2 հեծելազորային դիվիզիա: Տե՛ս **Д. Баланинъ**, На боевых поляхъ, «Военный сборникъ», N 1, январь, 1917, էջ 43:

6 Արսենի Վարպանովը ծնվել է 1855 թ. փետրվարի 15-ին Թիֆլիսում: Կրթություն է ստացել քեդի ռեալական ուսումնարանում, Միխայլովյան հրեղանային ուսումնարանում, Միխայլովյան ակադեմիայում և այլն: 1872թ. օգոստոսի 28-ից զինվորական ծառայության մեջ էր, 1912թ. դեկտեմբերի 6-ին ստացել է գեներալ-լեյտենանտի զինվորական կոչում: Մինչև առաջին աշխարհամարտի սկիզբը, Ռուսաստանի զինված ուժերում զբաղեցրել է փարքեր հրամանատարական պաշտոններ, արժանացել է բազմաթիվ շքանշանների և պարգևների: Տե՛ս РГВИА, ф. 409, г. 1, қ. 175249, էջ 13-20:

7 Տե՛ս **Е. З. Барсуков**, Артиллерия русской армии (1900-1917.), т.1, Москва, 1948, էջ 15:

կան ևս Կովկասյան կորպուսները, ինչպես նաև 80-րդ, 82-րդ և 83-րդ դիվիզիաները, որոնց առջև խնդիր դրվեց՝ «ինչ ուզում է լինել, խաչքնդուրել ռուսական 4-րդ բանակի աջ թևի վրա ուղղված ավստրիացիների շրջանցիկ շարժմանը»⁸:

Նախալարևոմբյան ճակատի աջ թևում շարունակվում էր Լյուբլին-Խոլմյան օպերացիան: Ավստրոհունգարական հրամանատարությունը ձգտում էր աշխուժացնել հարձակումը Լյուբլինի ուղղությամբ, որի արդյունքում ռուսական 4-րդ բանակը հայտնվելու էր ավստրոհունգարական 1-ին բանակի «ձեռքում»: Մակայն ռուսական զորամիավորումների և հարկապես 18-րդ բանակային կորպուսի շնորհիվ ավստրո-հունգարական ուժերը ոչ մի լուրջ հաջողություն չունեցան: Ընդհակառակը, Լյուբլինի շրջանում ծավալված մարտերում ռուսական զինուժը առանձին դրվագներում զգալի հաջողությունների հասավ: Այսպես ծավալված մարտերում դարձյալ աջքի ընկան բազմաթիվ հայ զինվորականներ: Բերնա գյուղից (Կարս) զորակոչված Մարկոս Տեր-Կարապետյանը, որը ևս մեկ զինվորի հետ դիրքերից դուրս փոխերաձգության մեջ մտավ թշնամու 2 զինվորների հետ և փախուստի մարտնչեց վերջիններիս, սակայն ինքը ծանր վիրավորվեց⁹:

Լյուբլինյան ուղղությամբ ծավալված մարտերում ավստրոհունգարական զորքն իր ողջ ռազմական կարողությամբ փոքր-ինչ նեղել էր Կրասնիկից արևելք՝ Պոր գետի մայրույցներում տեղակայված ռուսական Գրենադերական կորպուսի առանձին միավորումների: Այսպես ծավալված մարտերի ընթացքում հարկապես աջքի ընկավ գեներալ-ֆելդմարշալ իշխան Բարկլայ դե-Տոլլի անվան 4-րդ գրենադերական Նեովիժսկյան գունդը, որի կազմում էր ծառայում հայազգի գնդապետ Գաբրիել Թովմայի Միրիմոնովը¹⁰:

Նախալարևոմբյան ճակատում ծավալված ռազմական գործողություններին ակտիվորեն մասնակցում էր նաև 3-րդ գրենադերական Պերնովյան գունդը, որի 10-րդ ջոկատի հրամանատարն էր հայազգի կապիտան Լեոն Գրիգորի Օսիպյանցը¹¹:

Օգոստոսի 14-ին Բիսկուպե բնակավայրի մոտ տեղի ունեցած մարտերի ընթացքում 3-րդ գրենադերական գնդի 3-րդ մարտկոցը՝ նորանշանակ հրամանատար Լ. Գ. Օսիպյանցի գլխավորությամբ, աջքի ընկավ իր նպատակամղված և արդյունավետ գործողություններով, և Օսիպյանցը պարգևատրվեց Ս.Սյրանիսլավի 2-րդ աստիճանի շքանշանով՝ սրերով հանդերձ: Օգոստոսի 16-ին Պիոպրոկով գյուղի մարտույցներում ծավալված մարտերում աջքի ընկնելու համար Օսիպյանցը պարգևատրվեց Ս.Աննայի 2-րդ աստիճանի շքանշանով՝

8 «Стратегический очерк войны 1914-1918гг.», ч.1, Москва, 1920, с.149-150.

9 Պարերազմի առաջին օրերից Լյուբլինի շրջակայքում խմբավորված ռուսական 4-րդ բանակի զորամիավորումներում առկա հայ զորականության մեջ էր նաև Մարկոս Տեր-Կարապետյանը: Այս ուղղությամբ ծավալված մարտերում գունդը, որում ծառայում էր Տեր-Կարապետյանը, փախուստի է մտնում ավստրիական մի քանի գումարարակի: «Մշակ», 14 հոկտեմբերի, 1914, էջ 2-3:

10 Գաբրիել Միրիմոնովը ծնվել է 1870թ. ապրիլի 25-ին: Կրթություն է ստացել Թիֆլիսի կադետական կորպուսում, Ալեքսանդրովյան 3-րդ ռազմական ուսումնարանում: 1911թ. դեկտեմբերի 6-ից գնդապետ է: Մինչև առաջին համաշխարհային պատերազմի սկիզբը զբաղեցրել է փարբեր պաշտոններ, արժանացել է բազմաթիվ պարգևների: Տե՛ս «Списокъ полковникамъ по старшинству», С.Петербург, 1914, էջ 956:

11 Լեոն Օսիպյանցը ծնվել է 1871թ. փետրվարի 25-ին Թիֆլիսում: Կրթություն է ստացել տեղի կադետական կորպուսում, Ալեքսանդրովյան 3-րդ ռազմական ուսումնարանում: Մինչև Առաջին համաշխարհային պատերազմի սկիզբը զբաղեցրել է փարբեր պաշտոններ, արժանացել է բազմաթիվ շքանշանների: 1910թ. հունվարի 29-ից Օսիպյանցը տեղափոխվում է ռուսական 3-րդ գրենադերական Պերնովյան գունդ, որտեղ 1914թ. հունիսի 20-ին ընդունում է 10-րդ ջոկատի հրամանատարությունը և տեղափոխվում է ավստրիական սահմանային շրջաններ: Տե՛ս РГБИА, ф. 409, г. 1, қ. 155644, էջ 1-8:

սրերով հանդերձ¹²։ Այս փարածքում ընթացող մարտերում ռուսական զինուժը զգալի հաջողություններ ունեցավ։

1914թ. օգոստոսի 20-ին Օլշանսկի հրվանդանում բռնկված մարտերը նույնպես կապաղի եւ էական նշանակություն ունեցող էին։ Օսիայանցի մարտկոցը աչքի ընկավ նաեւ այս մարտերում, իսկ մասնավորապես Օսիայանցի անձնական հասկանիչների եւ մարտկոցի որակյալ ղեկավարման շնորհիվ ռուսական զինուժը այսպեղ մեծ հաջողությունների հասավ։ Նախավարենմյան ճակատի հրամանատարության 1914թ. նոյեմբերի 24-ի թիվ 29 հրամանով Օլշանսկի հրվանդանում ծավալված թե՛ մարտերում մարտական կարևոր դիրքերի պաշտպանության, թշնամու անընդհար գրոհները եւ շարքերում համար, անհրաժեշտ բոլորին հարևան գործադրմանը օգնելու եւ դիրքերը չհանձնելու համար կապիտան Օսիայանցը պարգևատրվեց Գեորգիևյան զենքով¹³։

Օգոստոսի վերջերին Վիսոկե գյուղի մոտ բռնկված մարտերը նույնպես առանձնացան իրենց ծավալով եւ թեժությամբ։ Օգոստոսի 27-ին այդ գյուղի մարտույցներում մարտական առաջադրանք կատարելիս թշնամու գնդակից վիրավորվեց Լևոն Օսիայանցը եւ էվակուացվեց մարտի դաշտից¹⁴։

Նախավարենմյան ճակատի մի շարք բնակավայրերում ողջ օգոստոս ամսվա ընթացքում ռուսական զինուժի հաջողություններն ապահովեց նաեւ ռուսական 19-րդ հրերանային բրիգադը, որի 6-րդ մարտկոցի հրամանատարն էր հայազգի փոխգնդապետ Կոնստանտին Բեգլարի Դոլոխանովը¹⁵։

Օգոստոսի 15-ի գիշերը լույս 16-ի առավոտյան Կ. Դոլոխանովի մարտկոցը, փեղակայված լինելով Ռուսական ճակատի հարավարենմյան հատվածում, Լիպիցա-Գորնա գյուղի արևմտյան շրջանում, շարժվեց Չերոզով եւ Պուկով բնակավայրերի շրջաններ։ Օգոստոսի 17-ին նշված փարածքներում բռնկված արյունալի մարտերում ռուսական հերթագորային զորքերը 19-րդ հրերանային բրիգադի 6-րդ մարտկոցի արդյունավետ գործողությունների շնորհիվ հակառակորդին զգալի կորուստներ պատճառեցին¹⁶։

19-րդ հրերանային բրիգադի 6-րդ մարտկոցի գործողությունները մեծ նշանակություն ունեցան նաեւ օգոստոսի 25-ից մինչև օգոստոսի 30-ը Գրոդեկայան բարձունքների շրջանում ծավալված մարտերում։ Վրոցով եւ Յասնեկո բարձունքների միջև փեղակայված մարտկոցը պաշտպանեց Մշանա գյուղի շրջանում գտնվող սպորտհրապարակի նշանակություն ունեցող դաշտավայրը, ինչպես նաեւ ուժեղ եւ դիպուկ կրակով մեծ կորուստներ պատճառեց Ռուսենցան գյուղ մերձ թշնամուն։ Նակառակորդի համար հատկապես կորստաբեր էին օգոստոսի 29-ին բռնկված մարտերը։ Գիշերը, երբ թշնամին Մալչիցեի շրջանից կրակ բացեց 6-րդ մարտկոցի դիրքերի եւ Մշանա գյուղի վրա, միաժամանակ ռուսական հերթափոխը-

12 Տե՛ս РГВИА, ф. 409, г. 1, қ. 155644, էջ 5։

13 Տե՛ս անդ։

14 Տե՛ս РГВИА, ф. 409, г. 1, қ. 155644, էջ 8։

15 Կոնստանտին Դոլոխանովը ծնվել է 1871թ. նոյեմբերի 24-ին։ Կրթություն է ստացել Թիֆլիսի կադետական կորպուսում, 2-րդ Կոնստանտինովյան ռազմական ուսումնարանում։ Զինվորական ծառայության է անցել 1890թ. օգոստոսի 29-ից, 1912թ. հունվարի 19-ից փոխգնդապետ է։ Մինչև աշխարհամարտի սկիզբը զբաղեցրել է փարքեր պաշտոններ, արժանացել է մի շարք շքանշանների եւ պարգևների։ Տե՛ս «Списокъ подполковникамъ по старшинству», էջ 1661։

16 Տե՛ս РГВИА, ф. 3695, г. 1, қ. 18, էջ 69-70։

ներին մասնակցելու քողարկված դիրքերի կորուստը: Գլխավոր հրամանատարությունը ցուցումների և փոխգնդապետ Կ. Բ. Դուրյանովի հրամանատարական բարձր հաստիքների շնորհիվ, 6-րդ մարտկոցն իր նպատակային կրակահերթով 00 ժամ 37 րոպեին մեկընդմիջար լեցրեց հակառակորդին¹⁷:

Մինչև օգոստոսի վերջը Մշանա և Մալչիցե գյուղերի փարածքներում ռուսական զորքը լիակատար հաղթանակներ տոնեց՝ թշնամուն զգալի կորուստներ պարճառելով: Նշված հաջողությունները, անշուշտ, պայմանավորված էին նաև 19-րդ հրեմանային բիզադի 6-րդ մարտկոցի հրամանատարի՝ փոխգնդապետ Դուրյանովի բարձր որակական հասկանալիքներով և ռազմական հարուստ գիտելիքներով: Դուրյանովի մարտկոցի իրականացրած այս գործողությունները մեկ անգամ էս ապացուցեցին ռազմագետ Դմիտրևսկու այն փաստակերպը¹⁸, որի համաձայն հրեմանային պարերագմի ժամանակ գործում է ոչ միայն հերթափոխի օգնությամբ նպատակով:

Ռուսական 4-րդ բանակի մղած մարտերին զուգահեռ՝ ռուսական 5-րդ բանակը նույնպես թե՛ մարտեր մղեց ավստրոհունգարական 4-րդ բանակի դեմ, որոնք կոչվեցին Թոմաշեյան մարտեր կամ Կոմարովյան ճակատամարտ: Այս մարտերում նույնպես աչքի ընկան մի շարք հայագգի սպաներ:

Պարերագմի ազդարարումից անմիջապես հետո, ռուսական 3-րդ գրենադերական հրեմանային բրիգադը ժամանեց Խոլմ քաղաք և հաշվառվեց գործող բանակի կազմում: Բրիգադի 2-րդ դիվիզիոնի հրամանատարն էր հայագգի գնդապետ Գեորգի Ավերիբի Պոզոնը¹⁹: Պոզոնը, իր գործառնական գլուխ անցած, միանգամից ներքաշվեց պարերագմական թեմաթիկ մեջ: Նրա ղեկավարած 2-րդ դիվիզիոնը օգոստոսի 13-ին և 14-ին եռանդուն և ճշգրիտ գործողություններով Զամիսկե քաղաքի մարտիցներում ընթացող կատարյալ մարտերում ապահովեց ռուսական զորքի հաջողությունները: Անձամբ մասնակցելով մարտերին՝ Պոզոնը ցուցաբերեց առանձնահատուկ քաջություն, ինչպես նաև իր գործողությունների և հմտությունների շնորհիվ առավել բարձրացրեց զինվորականների մարտական ոգին:

Օգոստոսի 14-ին Զամիսկե շրջանից մարտերը փոխափոխվեցին Զամոսայա և սրացան ավելի սուր բնույթ: Գնդապետ Պոզոնի դիվիզիոնը այսպես նույնպես իր դիպուկ կրակի շնորհիվ առավելագույնս նպաստեց ռուսական հերթափոխի հաջողություններին: Այս մարտերում Պոզոնը վիրավորվեց և հոսպիտալացվեց²⁰: Ապաքինվելուց անմիջապես հետո նրան առաջարկվեց ծառայության անցնել թիկունքում՝ առողջական վիճակի հետագա բարդություններից խուսափելու համար, սակայն հրամանատարության այդ բարյացակամ առաջարկը հայագգի գնդապետը մերժեց: Նա վերադարձավ Ռուսական ռազմաճակատ և կրկին ամբողջությամբ խորատուվեց պարերագմական առօրյայի մեջ:

17 Стн РГВИА, ф. 3695, г. 1, к. 18, л. 137:

18 Стн А. Дмитриевский, О назначении артиллерии, "Военный сборник", № 9, 1914 г., л. 77:

19 Գեորգի Պոզոնը ծնվել է 1858թ. հոկտեմբերի 20-ին Ալյուցիայում, զինվորականի ընտանիքում: Կրթություն է ստացել Մոսկովյան 2-րդ ռազմական գիմնազիայում, 3-րդ Ալեքսանդրովյան զինվորական ուսումնարանում, սպայական հրեմանային դպրոցում: 1876թ. օգոստոսի 16-ից զինվորական ծառայության մեջ էր, 1910թ. օգոստոսի 1-ին ստացել է գնդապետի զինվորական կոչում: Մինչև համաշխարհային պարերագմի սկիզբը զբաղեցրել է փարքեր պաշտոններ, արժանացել է բազմաթիվ պարգևների: Стн РГВИА, ф. 409, г. 1, к. 173103, л. 21-24, 26:

20 Стн РГВИА, ф. 409, г. 1, к. 173103, л. 26:

Ռուսական ռազմաճակարի արևելյան մասում ավսրոքոնոգարական ուժերը ծանր իրավիճակի մեջ էին: Ռուսական 3-րդ և 8-րդ բանակները, ներխուժելով Գալիցիա, հաղթական ռազմարշավ էին իրականացրել: Զգալով վրանգը՝ ավսրոքոնոգարական ուժերը զգալի կորուստներ տալով նահանջեցին: Լյուբլին-խոլմյան գործողությունն ավարտվեց, որի գլխավոր իրադարձություններն էին Կրասնիկի և Թոմաշեյան շրջանի մարտերը: Նակառակորդը չկարողացավ իրականացնել ռուսական 5-րդ բանակի շրջապատումը, իսկ Կրասնիկի շրջանի ճակատամարտում թշնամու տրամադրությամբ չարադարացրեցին իրենց նպատակները: Ռուսական 5-րդ բանակի վրա սպառվեցին ավսրոքոնոգարական ուժերի ողջ ռազմական կարողությունները: Ավսրոքոնոգարական հրամանատարության ծրագրերը ձախողվեցին նաև ռուսական բանակում քաջ և արի, որակական բարձր հատկանիշներ ունեցող զինվորականության շնորհիվ:

Այդուհանդերձ, ռուսական զորքը կարիք ուներ էլ ավելի ուժեղ և ամուր հրամանատարական կազմի, որովհետև նրան դեպքեր, երբ ռուսական զորամիավորումների հրամանատարների ոչ փոխկապակցված գործունեության պարզապես թույլ տրվեցին կոպիտ սխալներ: Օրինակ՝ ռուսական 21-րդ բանակային կորպուսը հյուսիսարևմտյան ուղղությամբ շարժելու Գլխավոր հրամանատարության հրամանը Ռուզսկին կարարեց ուշացումով, որի կապակցությամբ պարմաբաններից մեկը իրավացիորեն նկատել է. «Եթե Ռուզսկին այդ զորաշարժը իրականացներ ավելի վաղ, ասենք 2 օր շուրջ, և չկապվեր լվովյան ուղղության վրա, ապա 5-րդ բանակը չէր նահանջի, և Լյուբլին-խոլմյան օպերացիան այլ շրջադարձ կունենար»²¹:

Այն ժամանակ, երբ Նարավարենդյան ճակատի աջ թևի բանակներն իրականացնում էին Լյուբլին-խոլմյան ռազմական գործողությունը, ճակատի հարավային թևում ռուսական 3-րդ և 8-րդ բանակներն իրականացնում էին Գալիչ-լվովյան ռազմական գործողությունը, որի ընթացքում բազմաթիվ հայազգի զինվորականներ աչքի ընկան իրենց քաջագործություններով:

Ռուսական 3-րդ բանակի հարձակումը սկսվեց օգոստոսի 6 (19)-ին, և 6 օրում բանակը առաջ շարժվեց 90-100 կմ (Կամենկի-Ստրումիով և ավելի հարավ՝ Զոլոտայա Լիպայով): 3-րդ բանակի ձախ թևը ամուր փոխկապակցված լինելով 8-րդ բանակի հետ, ձգվում էր ուժեղ ճակատային հարված հասցնել լվովյան ուղղությամբ և ավելի հարավ: 8-րդ ռուսական բանակը իր հարձակումը սկսել էր դեռևս օգոստոսի 5 (18)-ին և նույնպես առաջ էր շարժվում հաղթանակներով: Պարզ էր դարձել, որ այսպիսի ավսրոքոնոգարական զորքին սպասվում էր մեծ աղետ, որի պարզապես սկսվեցին 2-րդ և 3-րդ ավսրոքոնոգարական բանակների տրևիսիկայով և կենդանի զինուժով համարյա ամբողջական գործողություններ:

Օգոստոսի 13 (26)-ից 15 (28)-ը Զոլոտայա Լիպա գետի շրջանում տեղի ունեցան դիմադար ճակատամարտեր ավսրոքոնոգարական 3-րդ և ռուսական 3-րդ բանակների միջև, որտեղ 60 կմ ձգված հարվածում՝ Կամենկի-Ստրումիովից մինչև Դունայով, թշնամին ջախջախվեց:

Օգոստոսի 16 (29)-ին ռուսական 3-րդ բանակը շարունակեց իր հարձակումը Լվովի

21 А. Коленковский, Маневренный период первой мировой империалистической войны 1914., Москва, 1940, с.238.

ուղղությամբ, իսկ ռուսական 8-րդ բանակը, թողնելով իր 24-րդ բանակային կորպուսը Գալիչի մոտ, մնացած ուժերով օգոստոսի 15 (28)-ի լուսաբացին նույնպես ուղղություն վերցրեց դեպի Լվով: Լվովի ուղղությամբ իրականացվող հարձակման ընթացքում 8-րդ բանակի կազմում գտնվող հազարավոր հայ զինվորականներից առանձնացավ 52-րդ հերթականային գնդի²² հրամանատարի օգնական, կապիտան Բոգդան Բաղդասարյանը²³:

Օգոստոսի 15-ին Բաղդասարյանը զորքի հետ գտնվում էր Գալիչյա-Լիպա գետի շրջանում՝ ավարիական հողի վրա: Այն ժամանակ, երբ զորքը պարբերաբար էր ճաշելու, գնդի հրամանատարը մի սպայի միջոցով կապիտան Բաղդասարյանին տեղեկացնում է, որ շրջապատված են թշնամու կողմից: Կապիտանի հրամանով զորքը անմիջապես դիմում է գնդի և դիրքավորվում է մոտակա բլրի վրա:

Նոտադիտակով գնդն էր շրջակայքը՝ Բաղդասարյանը կարողանում է նկատել շուրջ 400 հոգուց բաղկացած հակառակորդին: Վերջինս իր հերթին էր նկատել Բաղդասարյանի ենթակայության տակ եղած 300 հոգուց բաղկացած զորաջոկապը: Կողմերի միմյանց գնդերը գործողությունները շուրջով վերաճեցին ակտիվ փոխհրաձգության: Ռուսներից վիրավորվեց 9 զինվոր, որոնցից 3-ը ավելի ուշ մահացան, իսկ թշնամու զոհերի և վիրավորների մասին ոչինչ հայտնի չէր: Այս շիկացած կռվում Բաղդասարյանի զորախումբն իր վճռական գործողություններով մեծ առավելություն ձեռք բերեց, որ հետգիտերն դարձավ հաղթանակ:

Մեկ և կես ժամ տևած հրաձգությունից հետո, հակառակորդը սպիտակ դրոշակ բարձրացրեց և հանձնվելու նշան ցույց տվեց: Ռուս զինվորականներն իրենց հրամանատարների կարգադրության համաձայն դադարեցրեցին կրակը և սկսեցին զբաղվել իրենց զոհված և վիրավոր ընկերներին դաշտային վիրակապարան տեղափոխելու գործով: Մակայն շատ շուրջով կապիտան Բաղդասարյանը նկատեց, որ իր զինվորները թշնամու անակնկալ արձակած գնդակներից սկսում են ընկնել և կրկին կրակ արձակելու հրաման տվեց: Վերսկսված հրաձգության ընթացքում, երբ Բաղդասարյանի աջ կողմում արիարար կռվող Մովսես Ռսկանյանը վիրավորվեց, կապիտանը վերցրեց վերջինիս հրացանը և հենց առաջին կրակոցով վայր գցեց հակառակորդի հրամանատարին: Բաղդասարյանի հրամանով զորքն իր տեղադրարարի կրակով սկսեց նահանջող թշնամու շարքերը նոսրացնել: Թշնամու վրկված զինվորների խմբերը պարսպաբերվեցին 10 վերստ հեռու գտնվող անտառում: Գերի վերցվեցին 10-ից ավելի թշնամական զինվորներ, այդ թվում՝ մի քանի վիրավորներ:

Օգոստոսի 16-ի առավոտյան գնդի հրամանատարը, կապիտան Բաղդասարյանի շնորհիվ ձեռք բերված հաղթանակից գոհ՝ գրկախառնվեց վերջինիս: Պարզվեց, հակառակորդը այս կռվում տվել էր 65 զոհ, 40 վիրավոր և 10-ից ավելի գերի: Մարտին մասնակցած զինվորները միաձայն վկայում էին, որ կապիտան Բաղդասարյանի արձակած գնդակներից ընկել են 4 սպա, 8 առաջնակարգ հրաձիգ ունրեր-օֆիցեր և մի քանի շարքային զինվոր:

22 «Մշակ» թերթի 1914թ. 209 համարում, Կյուրտլ ս. Աբգարյանի հոդվածում, Բաղդասարյանի մասին նշվում է, որ նա Թեոդոսիա քաղաքի զորագնդի հրամանատարի օգնականն էր: Կ. Ա. Զալեսկու հիշյալ աշխատության 489-րդ էջում նշված է, որ Թեոդոսիա քաղաքում տեղակայված էր Մեծ իշխան Կիթիլ Վադիմիթովիչի անվան 52-րդ Վիլենյան հերթականային գնդը:

23 Բոգդան Բաղդասարյանը բնիկ Վադիկավկազ քաղաքից էր: Կրթություն է ստացել տեղական գիմնազիայում, ապա զինվորական դպրոցում: 27 տարի էր, որ գտնվում էր զինվորական ծառայության մեջ: Այդտեղ է Թեոդոսիա քաղաքում, կապիտանի զինվորական կոչումով նա տեղական զորագնդի հրամանատարի օգնականն էր: Օգոստոսի 7-ից սկսած մասնակցել է մի շարք կռիվների:

Այդ կովում ռուսական գործում նույնպես 30-ից ավելի կորուստներ եղան, որոնց անունները կարդալու ժամանակ Բոգդան Բաղդասարյանը չի կարողացել գտել արքայապետը:

Օգոստոսի 16-ի գիշերը գունդը միանում է բանակին, որովհետև ռուսական հրամանա-
վարությունը մշակել էր մեծ ճակատամարտի ծրագիր:

Օգոստոսի 17-ին՝ ժամը 11-ի սահմաններում ռուսական շուրջ 100 հազարանոց բանակը մարտի բռնվեց գրեթե նույն բանակության ավստրիական զինուժի հետ:

Ռոգաչինի, Գնիլայա-Լիպա գետի շրջանում ռուսական 8-րդ բանակը ավստրոհուն-
գարական 2-րդ բանակի նկատմամբ եռօրյա մարտերից հետո լիակատար հաղթանակ տո-
նեց: Այդ մարտերի ընթացքում՝ օգոստոսի 18-ին, կապիտան Բաղդասարյանի գործադրմամբ
գրավեց Լվովի ամրություններից մեկը, որտեղ մեծ բանակությամբ սննդամթերք էր ռազ-
մամթերք կար: Նախորդ օրը Գնիլայա-Լիպա գետի վրա տեղի ունեցած կովում վիրավորվեց
նաև Բաղդասարյանը և հոսպիտալացվեց²⁴:

Կապիտան Բաղդասարյանը, հանդիսանալով սպարաբեգիական աշխատանքներում,
գործի կառավարման գործում գեղի հրամանավարի գործուն օգնականը, միևնույն ժամա-
նակ հայրնի նշանառու-հրաձիգ էր, որի համար արժանացել էր բազմաթիվ զովասանագ-
րերի և պարգևների:

1914թ. օգոստոս ամսին ընթացքում ուշադրության արժանի էին նաև ռուսական 8-րդ
բանակի 7-րդ բանակային կորպուսի գորաշարժերն ու արդյունավետ մարտերը, որոնք
հմրորեն ղեկավարվում էին գեներալ-մայոր Վլադիմիր Լազարեի կողմից: 1914թ. հունիսի
3-ից ստանձնելով 7-րդ բանակային կորպուսի շտաբի պետի²⁵ պարասխանաբար հրամա-
նավարական պաշտոնը՝ նա կարողացավ կորպուսի գործողություններն արագորեն հար-
մարեցնել սպեղծված իրավիճակներին:

Օգոստոսի կեսերին Ռոգաչինի և Գնիլայա-Լիպա գետի տարածքում ռուսական
զինուժի կազմում իր գործադրումով մարտական առաջադրանք էր կատարում Թերեքի
կազակական դիվիզիայի հրամանավար հայազգի գեներալ Տիգրան Դանիելի Արյուսինո-
վը (Նարոթյունյան)²⁶:

Օգոստոսի 16 (29)-ին նրա գործադրումը մարտի բռնվեց ավստրոհունգարական
2-րդ բանակի գորամասերի հետ: Թշնամին իր նպաստավոր դիրքի շնորհիվ կարողացել
էր Ռուդի շրջանում ճեղքել ռուսական դիրքերը, սակայն Թերեքի կազակական դիվիզիայի
գորամասերի շնորհիվ փակվեց Ռուդի շրջանում առաջացած ճեղքը²⁷:

Ընդհանուր առմամբ՝ Բրուսիլովի բանակի գործադրումները ռոգաչինյան մարտե-

24 Երբ Բաղդասարյանը դուրս է գալիս ջրից՝ նկատում է, որ վիրավորվել է և քանի որ գրվելիս է եղել սառը
ջրի մեջ, ժամանակին չի գգացել, որ վիրավորվել է, այդ պարճառով արյունաքամ եղած՝ նա ուշագնաց է լինում:
Գնդակը ձախ ձեռքի թաթից մտնելով դուրս է եկել ուսից և կտրել է թեփ մկանները: Օգոստոսի 27-ին նա ժամանում
է Թերոփիս:

25 Տե՛ս “Списокъ Генераламъ по старшинству”, Петроград, 1916, էջ 106:

26 Տիգրան Դանիելի Արյուսինովը ծնվել է 1858թ. հունիսի 1-ին ազնվականի ընտանիքում: Կրթություն է
ստացել Մոսկովյան 1-ին ռազմական գիմնազիայում, 3-րդ Ալեքսանդրովյան ռազմական ուսումնարանում և
հեծելագորային սպայական դպրոցում: 1912-ից գեներալ-մայոր է: Պարերազմի սկսվելուն պես, երբ Թերեքյան
գործերը վերականգնվեցին դիվիզիայի, վերջինիս հրամանավար նշանակվեց Արյուսինովը: Տե՛ս “Списокъ
Генераламъ по старшинству”, 1913, էջ 853:

27 Տե՛ս **К. А. Залесский**, Первая мировая война, “Биографический Энциклопедический словарь,
Правители и Военачальники”, Москва, 2000, էջ 79:

րի ընթացքում գերի վերցրեցին հակառակորդի 20000 զինվոր և փրացան 70 հրանոթի²⁸: Ջախջախված թշնամին, թողնելով զենքը, փախավ Լվովի, Միկոլանի և Գալիչի ուղղությամբ: Այժմ ռուսական 8-րդ բանակի մոտակա խնդիրն էր ռուսական 3-րդ բանակի հետ Լվովի գրավումը: 8-րդ բանակի մղած մարտերին զուգահեռ՝ 3-րդ բանակը գրավել էր Ժոդկիներ և լուրջ վրանգ էր ստեղծել թշնամու բանակի ձախ թևի համար: Այսպիսի պայմաններում ավստրոհունգարական հրամանատարությունը հասկացավ, որ Լվովը այլևս հնարավոր չէր պահել, հակառակ դեպքում ավստրոհունգարական 3-րդ բանակը ամբողջովին կջախջախվեր: Օգոստոսի 21 (սեպտեմբերի 3)-ին ռուսական 8-րդ բանակը մտավ Լվով: «Այսօր, օգոստոսի 21-ին՝ առավոտյան ժամը 11-ին, - հաղորդում էր Բրուսիլովը, - 12-րդ հեծելազորային դիվիզիայի միավորումները մտան թշնամու կողմից լքված Լվով՝ ժողովրդի կողմից բարյացակամ ընդունվելով»²⁹:

Լվով մուտք գործած 12-րդ հեծելազորային դիվիզիայի կազմում էր նաև 12-րդ դրագոնյան Սրարողության գունդը, որի հրամանատարն էր հայազգի գնդապետ Պավել Գրիգորի Խաչատրյովը³⁰:

Օգոստոսի 22 (սեպտեմբերի 4)-ին ռուսները գրավեցին Գալիչը, իսկ օգոստոսի 24 (սեպտեմբերի 6)-ին Միկոլանը: Գալիչ-լվովյան օպերացիան ավարտվեց, որի ընթացքում ռուսական 3-րդ և 8-րդ բանակները պարպության մարտնչին ավստրոհունգարական 3-րդ և 2-րդ բանակներին: Հակառակորդը նահանջեց դեպի արևմուտք:

Ինչպես հայտնի է Արևելապրոտսական ռազմական գործողության իրականացման ընթացքում գերմանական հրամանատարությունը որոշել էր հարձակվել Հարավարևմտյան ճակատի վրա՝ դաշնակից ավստրոհունգարական զինուժին օգնելու համար: Թշնամու այդ որոշմանը դիմակայելու նպատակով ռուսական Գլխավոր հրամանատարությունը նույնպես միջոցներ ձեռնարկեց, ճակատի աջ թևում Լեհիցկու գլխավորությամբ կազմավորվեց 9-րդ ռուսական բանակը: Այս բանակի նպատակներից մեկն էր գերմանացիների հավանական հարձակմանը դիմակայելը: Օգոստոսի 21 (սեպտեմբերի 3)-ին Բվանովը գորքի առջև խնդիր դրեց, հարձակվել թշնամու վրա, պարպության մարտնչի նրան և եր 2 պարսեղ դեպի Վիսլա³¹:

Ավստրոհունգարական հրամանատարությունը, չստանալով գերմանացիների խուսափացած օգնությունը՝ օպերացիայի ողջ ծանրությունը փրկափոխեց դեպի հարավ: Հարավում՝ Լվովի արևմուտքում, ավստրիացիները պետք է պարպության մարտնչին ռուսական 8-րդ և 3-րդ բանակներին, որպեսզի կարողանային ռուսներից ազատագրել ողջ արևելյան Գալիցիան: Սակայն ավստրոհունգարական հրամանատարության ծրագրերը չէին համա-

28 Տե՛ս անդ :

29 РГВИА, ф. 2067, г. 1, к. 297, л. 262:

30 Պավել Գրիգորի Խաչատրյովը ծնվել է 1860թ. դեկտեմբերի 21-ին: Կրթություն է ստացել Ելիզավետպոլի պրոգիմնագիայում, Ելիզավետգրադի հեծելազորային յունկերական ուսումնարանում: 1879թ. հոկտեմբերի 26-ից զինվորական ծառայության մեջ էր, իսկ 1910թ. մայիսի 19-ին ստացել է գնդապետի զինվորական կոչում: Մինչև Առաջին համաշխարհային պատերազմի սկիզբը Ռուսաստանի զինված ուժերում զբաղեցրել է փարքեր հրամանատարական պաշտոններ, արժանացել է մի շարք շքանշանների և պարգևների: Տե՛ս “Списокъ Полковникамъ по старшинству”, 1914, л. 609:

31 Տե՛ս “Восточно-Прусская операция”. Сборник документов мировой империалистической войны на русском фронте (1914-1917г.), Москва, 1939, л. 184:

պարասխանում սրեղծված իրավիճակին և ի սկզբանե դարապարտված էին անհաջողություն:

Օգոստոսի 22 (սեպտեմբերի 4)-ից ռուսական 9-րդ և 4-րդ բանակների միավորումները հարձակվեցին Վիսլա և Պոդ գետերի միջև գտնվող ամրացված թշնամական դիրքերի վրա: Այս հարձակման ժամանակ 9-րդ բանակին աջակցելու էր նաև ռուսական 14-րդ բանակային կորպուսը, որի հրեղանու պեսուզ գեներալ-լեյտենանտ Արսենի Սոդոմոնի Վարպանովը Կրասնիկ բաղաքի մոտ քաղաքի ունեցած ճակատամարտից հետո՝ օգոստոսի 13-ից օգոստոսի-27-ը իր հրեղանային մարտկոցներով թեժ և արյունալի մարտեր մղեց Լյուբլին բաղաքի հարավարևմտյան մասում գտնվող Բելոխից բնակավայրի շրջանում՝ ապահովելով ռուսական զորքերի հաղթանակներն ու անկորուստ քաղաքները³²:

Ռուսական 5-րդ բանակն իր 25-րդ և 19-րդ բանակային կորպուսներով նույնպես թեժ մարտեր էր մղում: Նամագործակցելով ռուսական 4-րդ բանակի ձախ թևի հետ՝ ձգվում էր գրավել ավստրոհունգարական խմբավորման թևը արևելքից:

Ռուսական 5-րդ, 17-րդ, 21-րդ բանակային կորպուսների կազմում գտնվող հազարավոր հայ զինվորների ցուցաբերած քաջագործությունների շնորհիվ էր նաև, որ Ռավա-Ռուսկայա բնակավայրի շրջանում, Գորոդոկյան դիրքերում ռուսական 3-րդ և 8-րդ բանակները հաղթանակներ տեսնեցին:

Այս ընթացքում բռնկված մարտական գործողությունների ժամանակ հայ զորակազմությունն ունեցավ նաև բազմաթիվ կորուստներ, իսկ գեղապետ Միքայել Նովսելիի Յուգ-բաշյանի մահը³³ ցնցեց նրան ճանաչողներին: Յուգբաշյանը այն սակավ զինվորականներից էր, որոնք լինելով ոչ ռուս ազգության ներկայացուցիչ՝ մեծ համբավ էին վայելում թե՛ սպայության և թե՛ հասարակ զինվորների շրջանում:

Գալիցյան իրադարձությունները Առաջին համաշխարհային պատերազմի խոշոր ռազմական գործողություններից էին: Մոտ 400 կմ տարածքի վրա մեկ ամսից ավելի ծավալված թեժ մարտերի ընթացքում ավստրոհունգարացիները ունեցան շուրջ 400 հազար զինվորի կորուստ՝ ներառյալ 100 հազար գերիներ: Թշնամին այսպես կորցրեց նաև 400 հրանոթ: Ռուսական կողմի կորուստները կազմում էին 230 հազար մարդ³⁴:

Գալիցյան ռազմական գործողությունները մեծ նշանակություն ունեցան նաև անգլո-ֆրանսիական զորքերի համար: Երոսպայի արևմուտքում Մարնայի ճակատամարտի ելքը և գերմանացիների պարտության հիմնական պարճառը նաև այն էր, որ գերմանացիները օգոստոսի վերջերին ֆրանսիական ճակատից մի քանի գերմանական կորպուս արագորեն քաղաքականացրին Արևելյան ռազմաճակատ³⁵:

32 Стэн ГИВИА, ф. 409, г. 1, к. 175249, էջ 21:

33 Միխայիլ Յուգբաշյանը ծնվել է 1868թ. սեպտեմբերի 18-ին: Կրթություն է ստացել Կիևի հեղեակային յունկերական պրոգիմնագիայում, Գլխավոր շրաքի ակադեմիայում և այլն: 1886թ. սեպտեմբերի 4-ից զինվորական ծառայության մեջ է, պատերազմի մասնակցեց որպես գեղապետ: Մինչև Առաջին համաշխարհային պատերազմի սկիզբը Ռուսաստանի զինված ուժերում զբաղեցրել է մի շարք պաշտոններ, կապարել է գաղարկի առաջադրանքներ, արժանացել բազմաթիվ պարգևների: Միքայել Յուգբաշյանի մարմինը գտնվում համար Ավստրիա է մեկնում նրա եղբայրը՝ գեղապետ Պ. Ն. Յուգբաշյանը: Стэн “Список подполковникам по старшинству”, С.Петербург, 1912, էջ 606. «Մշակ», 2 հոկտեմբերի, 1914:

34 Стэн А. Коленковский, Маневренный период первой мировой империалистической войны 1914 ., էջ 263-264:

35 Стэн ГИВИА, ф. 2000, г. 2, к. 2167, էջ 193:

Ալեքսեյը Ն. Ն. Յանուշևիչի հետ 1914թ. սեպտեմբերի 16 (29)-ին խոսելիս նշեց, որ դաշնակիցները չեն կարող ռուսների դեմ որևէ ասելու բան ունենալ, քանի որ «ավստրիացիների պարությունը էապես փոխեց գործի դրությունը, շեղեց արևելք եւ? ուժերը, եւ? Վիլհելմի ուշադրությունը»³⁶:

«...Մարնայի եւ Գալիցիայի իրադարձությունները,- գրում էր Ֆալկենգայնը,-անորոշ ժամանակով հեղաձգեցին պատերազմի ելքը: Մինչև այժմ գերմանացիների պատերազմ վարելու հիմնական միջոցը՝ արագ որոշումների շնորհիվ հաջողությունների հասնելու սկզբունքը, հավասարվեց գրոյի»³⁷:

Գալիցյան ռազմական գործողություններում ռուսական զենքի հաղթանակի մի մասնիկն էլ, անշուշտ, պարկանում է Նարավարեմբյան ճակատում գործող հայ զորայիններին:

Գալիցյան ռազմական գործողություններին մասնակցող հայ ազգի զավակները մարտական գործողությունների բոլոր հարվածներում իրենց դրսևորեցին որպես նվիրված հայրենասերներ, ինչպես նաև այդ գործողության ընթացքում ձեռք բերեցին թշնամուն ավելի ուժեղ հարվածելու փորձ ու հմտություն:

36 «Варшавско-Ивангородская операция, Сборник документов мировой империалистической войны на русском фронте /1914-1917г/», Москва, 1938, с.38.

37 Э.Фон Фалькенгайн, Верховное командование 1914-1916г. в его важнейших решениях, Москва, 1923, с.31.